

STAY SAFE MN

# Tsim Koob Tshuaj COVID-19 Li Cas


12/16/2020

Thawj koob tshuaj txhaj los tawm tsam tus kab mob COVID-19 tsuas siv li ib xyoo los ua tiav xwb txij li thaum paub txog tus kab mob COVID-19. Muaj coob leej ntau tug nug txog seb tsim koob tshuaj no li cas thiab tsim tau sai ua luaj. Vim muaj kev pab los ntwam tsoom fwv, txoj kev tsim koob tshuaj no thiaj li tshwm sim sai dua thiab zoo dua. Tej kuaj ruam los ntsuam xyuas seb puas nyab xeeb yeej muaj txhij txhua. Tej sijhawm hauv qab no yuav qhia koj seb koob tshuaj tawm tsam COVID-19 yog tsim los li cas thiab vim li cas ho zoo dua lwm hom tshuaj uas tau tsim los.

## Tsim koob tshuaj li cas

Qhov sijhawm los tsim ib koob tshuaj siv txog li 10 xyoo mam li ua tiav.

- Tom qab kev tshawb fawb tag, yuav muab koob tshuaj no mus sim rau 3 pab pawg neeg; nyob rau txhua pawg yuav muaj coob leej ntau tus zuj zus los ntxiv rau txoj kev sim no.
- Lub Food and Drug Administration (FDA, koom haum tswj xyuas zaub mov thiab tshuaj) mam li pom zoo txuas mus ntxiv tom qab lawv ntsuam xyuas zoo tej ntaub ntawv kev tshawb fawb tag.
- Ces ib pab pawg saib xyuas kev txhaj tshuaj nyob hauv lub tebchaws no, uas yog lub Advisory Committee on Immunization Practices (ACIP) los ntwam lub Centers for Disease Control and Prevention (CDC, koom haum saib xyuas kab mob kev nkeeg), mam li txiav txim seb leejtwg yuav yog cov tau koob tshuaj.
- Tom qab ntawd, mam li muab coj los tsim kom tau ntau koob tshuaj.
- Thaum muab coj los txhaj rau tibneeg lawm, lub CDC thiab FDA yuav soj ntsuam taug qab ntxiv seb koob tshuaj mus li cas.



## Tsim koob tshuaj COVID-19 li cas

- Tej kev tshawb fawb ntxov txog tus kab mob khaus lauv nam no thiab tej thev naus laus ntsis tshiab niaj hnuv no ua rau kev tsim koob tshuaj no tau sai heev.
- Qee zaus yuav siv sijhawm ntau heev mam li muaj nyiaj txaus los tsim ib koob tshuaj twg, tiamsis tsoom fwv pab nyiaj ntau heev los txhawb txoj kev tsim koob tshuaj COVID-19 no.
- Cov koom haum tsim koob tshuaj no muab sim txhaj no rau txhua 3 pawg neeg tib lub sijhawm, es tsis tas tos kom sim ib qho tiav zuj zus mus.
- Cov koom haum kuj tsim koob tshuaj no tib lub sijhawm uas muaj kev sim koob tshuaj no thiab.
- Kev tsim ib koob tshuaj los ntawm siv txoj cai Emergency Use Authorization (EUA, kev pom zoo rau xwm txheej ceev) kuj pab txo sijhawm tsawg dua los siv tau koob tshuaj thiab. Lub tseem hom phiaj yog tsim ib koob tshuaj uas nyab xeeb siv tau.
  - Tej koom haum nyob rau tsoom fwv tsis cia dabtsi los tab kaum lawv txoj kev ntsuam xyuas thiab kev txiav txim pom zoo rau ib koob tshuaj twg. Piv txwv li, lub FDA ntiav neeg ua haujlwm coob heev los ntxiv rau txoj kev ntsuam xyuas es thiaj li txo sijhawm tsawg li ob peb lub li tiam xwb, tsis siv sijhawm ntev ob peb lub hlis los ntsuas.
- Mam li tau kev pom zoo rau koob tshuaj no yog tias tej ntaub ntawv ntsuas pom tias nyab xeeb siv tau thiab yeej ua haujlwm zoo.



Yeej tseem muaj ntau yam peb niaj hnuv kawm txog koob tshuaj tawm tsam COVID-19 no, xws li koob tshuaj yuav pab tiv thaiv ntev npaum cas thiab yuav ua haujlwm zoo npaum cas rau sawvdaws, tej no tsis yog tej laj thawj zoo los ncuaj sijhawm muab ib koob tshuaj nyab xeeb thiab ua haujlwm zoo los txhaj rau tibneeg.

Yog xav paub ntxiv, mus xyuas hauv [COVID-19 Vaccine \(koob tshuaj COVID-19\)](https://www.health.state.mn.us/diseases/coronavirus/vaccine.html) ([www.health.state.mn.us/diseases/coronavirus/vaccine.html](https://www.health.state.mn.us/diseases/coronavirus/vaccine.html)).



Minnesota Department of Health | [health.mn.gov](https://health.mn.gov) | 651-201-5000  
 625 Robert Street North PO Box 64975, St. Paul, MN 55164-0975

Tiv tauj [health.communications@state.mn.us](mailto:health.communications@state.mn.us) yog xav tau daim ntawv no ua lwm hom. (Hmong)